

中国古今医案类编

气血及津液病类

主编 鲁兆麟 严寄澜 王新佩

中国建材工业出版社

中国古今医案类编

气血及津液病类

主编 鲁兆麟 严寄澜 王新佩

中国建材工业出版社

粉丹皮二钱 陈萸肉一钱 石决明四钱 泽泻二钱

上药水同煎服。另合虑晴丸二十一粒，开水送下。

情怀郁勃有年，近复骤遭惊恐，致神昏语乱，口吐紫血，脘腹胀闷，不饥不食，脉象模糊，难以捉摸。此乃惊气动肝，神魂无主，血随气逆，状似尸厥薄之证。兼之两足常冷，是阳升于上也。拟用介类潜阳，重以镇怯，俟厥止再议。

阿胶二钱 左牡蛎三钱 石决明三钱 龙骨二钱 紫石英二钱
代赭石二钱 白茯神三钱 酸枣仁二钱 羚羊角七分
川连八分，吴茱萸炒 茜草一钱 生白芍二钱，金箔二片

下元素亏，收摄无权，骤然惊恐之后手足逆冷，少腹气冲即厥，阳缩汗出。于法自应助阳以资镇纳。但消渴心悸，腹中忽觉空洞，是为风消肝厥之证。宜于温养之中兼以滋阴佐之，桂附刚烈等品殊非所宜。

当归身三钱 生白芍二钱 炒杞子二钱 小茴香二钱
紫英石三钱 牛膝一钱 桂枝五分 左牡蛎三钱

《南雅堂医案》

中神琴溪

一妇，岁五十余，患怒即少腹有物上冲心绝倒，牙关紧闭，半许时自省。月一发，或二发。先生诊之，胸腹动悸，与柴胡加龙骨牡蛎汤，数旬愈。

车屋街竹屋街南菱屋与兵卫年六十余，冬月一日下事纷冗，不暇食，及昏饥甚，然后吃饭。饭后将浴，卒倒于汤中，家人骇，遽扶起，洒水其面乃苏。时四肢微冷，肌肤粟起，舌上燥裂，犹善饮热汤。医以为中寒，参附交投，病势愈加剧。师诊之，脉微欲绝，心下石硬，舌生黄苔，即试与冷水饮之。病者用尽一盂，因与大剂白虎汤四贴。翌日来报曰：“大汗如雨，衣被湿透，寅尾峻泻如倾，及至今朝渴已，

三诊：阴热未清，故盗汗不止，晚热头晕。仍宜养阴清热为主。

生地 白芍 丹皮 白薇 青蒿子 生鳖甲 牡蛎 川百合
地骨皮 菊花炭 刺蒺藜 稻豆衣 枣仁 红枣

钟。湿热留于营阴，蒸菴不化。偶因感冒，寒热并作，汗多色黄，肢倦无力。病邪藏蕴已久，营气内馁，不能托邪，所以两年不愈。方拟清泄营中邪热。

茵陈 青蒿 淡黄芩 丹皮 白薇 泽泻 苡仁 赤茯苓
生熟神曲各 通草 姜汗炒竹茹

胡。热止而盗汗日作。从前邪恋日久，阴气受伤所致。当清养营阴。

生地 归身 白芍 丹皮 白薇 川石斛 北沙参 绵芪
砂仁 茯苓 泽泻 牡蛎 红枣

吴。阴伤不复，法当养肺。但中气不旺，盗汗不止，当培土生金，仿复脉加减。

生地 白芍 麦冬 阿胶_{蛤粉炒} 丹皮 牡蛎 生甘草 於
术 北沙参 白薇 川百合 款冬花 枇杷叶

章。病后营阴未复，稍涉劳动，即觉内热盗汗，舌红，皆阴血偏虚之象。方以滋养营血为主，参入清阴可也。

大生地 归身 白芍 丹参 丹皮 软白薇 生鳖甲 牡蛎
党参 砂仁 麦冬 新会皮 刺蒺藜 菟丝子 女贞子 甘杞
子 煎汁沥清，文火慢熬，烱入阿胶，白蜜收膏。每晨空心，开水送下。

《柳宝诒医案》

余听鸿

常熟早北门外孙祠堂茶室妇，始因温邪未能透彻，延之四十餘日。邀余诊之，脉 细数郁于内，着骨始见，肌苦肉削，干燥灼热无汗，热亦不甚，耳聋舌强，言语涩滞不清，瘦少，大便泄泻如酱色，舌

思食，延予视之，六脉俱和缓有神，四至，虽名有胃气。经曰：形肉尽脱者不治，脉不应病者死。姑用六君加门冬、五味、干姜二剂，初觉不安，顷之遂鼾睡，气喘亦疏，声亦响亮。复诊之，六脉俱细，脾肺二脉，似来似去，欲脱之象，此的为死候矣。再三谛询，彼云稍可，但不思食耳。予思此脉比前反退，甚是不宜，又勉进前剂一贴。又泻，增胸膈饱闷，且不纳水汤，此中气已虚，不能输运，遂查历日，乃乙巳。曰：今晚死矣。重于甲，卒于乙，此五行之定制也。已而果然。友人薛理还云：久病脉有神，服药辄退，此决死之病。正如灯火之将灭，又愈明而遽绝耳。

丰义储中和，持斋十七年矣。先九月患梦泄，已而发惊。此五脏空虚，津液燥涸，肝木生风，风火扇摇，故令精动而泄也，攻补皆不效，先润养其脾胃，脾胃润，使津液四布，百骸通泽。一月再诊之，肺脉大，土不能生金也；左尺细长，金不能生水也；余俱洪缓，且不甚流利，以补肺之剂，四剂则和而长矣，虚则补其母之法也。先时不知饥，以异功散加黄芪、桂、芍、五味子补脾生肺，肺复生肾，三脏相生。晚卧不宁，以归脾汤间服之，元气渐充，精神渐发，越半月余，加用太素丸全愈。

《慎柔五书》

秦昌遇

一男子性多虑，每每若惊，健忘不寐，多汗遗精，溲赤，咳嗽吐血，咽痛口疮。左脉大而芤，左手属血。《脉诀》曰：脉大而芤者为脱血。经曰：忧愁思虑，曲运神机则伤心。此为心血不足，天君不守之症。以天王补心丹主之，内去连。

愚按：心为君火，主脉。过劳其心则火妄动而脉涌溢，血越窍而出也。火者，金之所畏。心移热于肺，故咳嗽。心与小肠为表里，心移热于小肠，故溲赤。心主血，在内为血，发外为汗，虚则开合失司，故多汗。心之脉系于舌本，咽痛口疮皆虚阳内灼。心为神室，虚则

饮，每年必发数次。腹痛呕吐，痰水盈盆，而前医犹清饿消克，及余治之，例用干姜、桂枝、茯苓、半夏，甚则加附子。每发辄效，医治屡年，发亦渐轻，病已愈矣。而世兄犹恐其夏至举发，先期预服效剂，乃前姜、附、苓、夏等药，不虞病退不胜辛热，遂至吐血，方停前剂。然余亦不敢用苦寒，因其辛热伤阴，非真阴虚损，暂用生地黄、茯苓、山药、丹皮、鳖甲、阿胶、麦冬、苡仁甘寒之品。然吐血不过一、二口，随发亦随止，一年后渐增咳嗽，肺肋隐痛，间有咳喘不能卧者一、二次，脉亦细数，将成弱证。常以熟地黄、茯苓、山药、丹皮、人参、沙参、麦冬、阿胶、紫菀、五味子滋补肺肾之药，服之不辍。前所服术、附、干姜，一片不能入剂矣。如斯三年，幸善为调养，方得血不吐而咳嗽亦宁，然后可服参、芪、归、术补阳之药。但遇劳发咳，仍用前地黄取效。今年逾强壮，阴阳两虚，即麦冬、贝母，皆不禁清凉，反用八味地黄丸而咳嗽止。此皆因先之苦寒过饿而伤阳，后之辛热过剂而伤阴，致今体虚多病，用药可不慎诸！

《素圃医案》

北山友松

一男，患咳血，寝汗脉数。

陈皮 白茯苓 甘草 桑白皮 当归 天门冬 麦门冬 黄芩 山梔子 芍药 生地黄 紫菀 阿胶

《北山医案》

顾文烜

失血咳呛，屡发不已，脉细涩，心肾之阴已竭。急宜平补，偏寒偏热，均未得其病之旨。

党参 熟地 百合 茯苓 归身 甘草 麦冬 黄芪

《顾西畴城南珍治》

手尤甚，胃纳尚可，舌薄腻。治法先宜清降，稍佐滋肾，还肾节劳静养为佳。

砂仁 0.9 克同炒 大元地 9 克 瓜蒌皮 1.5 克 生紫菀 9 克
宋半夏打 4.5 克 苦桔梗 6 克 柔白前 9 克 甘杞子 6 克
丝瓜络 6 克 北杜仲 6 克 广陈皮 4.5 克 天台乌药 4.5 克

二诊：咳嗽较减，痰尚滑，但有时无痰，脉柔软，是阴虚本色，气火渐戢，最是吉征。舌不甚腻，再拟滋潜摄纳肝肾。

大元地 12 克 瓜蒌皮 4.5 克 生牡蛎 18 克 旋复花包 9 克
生打代赭石 6 克 台乌药 4.5 克 苦桔梗 4.5 克 生远志肉 6 克
炒山萸肉 9 克 甘杞子 9 克 生紫菀 12 克 熟女贞 9 克 炒杜仲 6 克
象贝母 4.5 克 地骨皮 6 克 鲜竹茹 4.5 克

陈左。暮春失血后真阴未复，气火未藏，劳则脑力昏昏，耳鸣扰扰，夜央燥渴，脉尚安和，舌色亦正。所喜胃纳如恒，尤少别种虚象，此宜滋填摄纳，固护肝肾根基。尚须善自珍重，弗过于劳力劳心为佳。

砂仁末 12 克，同打 大元地 12 克 象贝母 6 克 山萸肉 6 克
熟女贞 12 克 沙苑蒺藜 12 克 枣仁泥 9 克 大白芍 6 克 杞子 6 克
炒阿胶珠 3 克 云茯苓 4.5 克 另生鳖甲 15 克 生龟板 15 克
生牡蛎 15 克，三味先煎 牛膝 4.5 克 广藿梗 4.5 克

汤左。咳中带红，痰血各半，咳则络痛。近日神疲色白，饮食无味，脉细舌淡白。先与理中。

潞党参 4.5 克 於术 4.5 克 炙草 1.5 克 炮姜 1.5 克
半夏 4.5 克 丝瓜络 4.5 克 郁金 1.5 克 枳壳 1.8 克 杏仁 9 克
贝母 9 克 桑皮 9 克 旋复花 9 克，包 紫菀 9 克 磁石 9 克
代赭石 9 克

老姬。素有咯血，然不甚多，昨夜吐出十余口，今午前后咯出甚多。脉关寸重按尚觉有力，两尺极细弱，舌无苔且淡白无华。是宜温摄，用附子理中加味。

须尚宝林下多郁，且有暴怒，吐血甚多，倦怠异常，李以六君子纳参一两、干姜一钱、木香八分，四日而血止。后因怒气，血复大作，李先与平肝，继当大补，然夏得秋脉，所谓早见非时之脉，当其时不能再见矣。果如期而殒。

董元宰少妾吐血蒸嗽，先用清火，继用补中，俱不效。李脉之两尺沉实，因曰：少腹按之必痛。果然，此怒后蓄血，经年不行，乃为蒸热，热甚而吐血，阴伤之甚也。乃与四物汤加郁金、桃仁、穿山甲、大黄少许，下黑血升余，少腹痛仍在，更以前药加大黄三钱，煎服，又下黑血块及如桃胶蛻肉者三四升，腹痛乃止。虚倦异常，无与参汤饮之三日，而热减六七，服十全大补汤，百余日而痊。

唐主政劳心太过，因食河鲜，吐血有痰，喉间如哽，日晡烦热，喜其六脉不数，惟左寸涩而细，右关大而软，思虚伤心脾也。以归脾汤大料加丹参、麦冬、生地，二十剂症减六七，兼服六味丸三月，遂不复发。

冯氏女发热咳嗽已半年，十月间吐鲜血甚多，一日之内不过食粥一盞，大肉消陷，大便溏泄，沉困卧床，脉来七至，李曰：法在不救，人所共知，若能惟余是听，不为旁挠，可救十中之一。每帖用人参五钱，桂、附各一钱，芪、术三钱，归、芍二钱，陈皮一钱，日投三帖，进七八帖及壮水丸三斤而后起，又三日饮食如常。

卢不远云：《千金方》用药动辄数斤习见，吾剂不过两许，令人不敢动手。看立斋案，又进一步。庚子防孝廉吐血，十日夜危坐，不敢交睫，不敢倾侧，否则血奔射出，以六味丸全料加安魂药，煎服而愈。此火象也，以润下剂平之，病热炽烈，岂杯水可救？倘有识见，放胆用药，多多益善矣。

卢不远腊月十七围炉坐大半夜，次日爪甲尽折。先自十月间暴怒，顿足叫呼，气喘食顷。兹复火为寒郁，渐觉神思昏瞢。至二十七夜，因房后恶寒泄泻，平旦且止，至暮复作，明日又止，至开正五日。意为肾泻，服四神丸一大剂，泻痛竟止。初肛左有核，其疼渐近尾

痰，清肝凉血互用也。

戊申元旦，陈秋槎参军，大便骤然下黑血数升，继即大吐鲜红之血而汗出神昏，肢冷搐搦，躁乱妄言。速孟英至，举家跪泣求命。察其脉，左手如无，右弦软，按之数。以六十八岁之年，金虑其脱，参汤煎就，将欲灌之。孟英急止勿服。曰：高年阴分久亏，肝血大去而风阳陡动。殆由忿怒兼服热药所致。其夫人云：日来频有郁怒，热药则未服也。惟冬间久服姜枣汤，且饮都中药烧酒一瓶耳！孟英曰：是矣。以西洋参、犀角、生地、银花、绿豆、栀子、元参、茯苓、羚羊（角）、茅根为剂，冲入热童溲灌之，外以烧铁淬醋，令吸其气，用龙骨、牡蛎研粉扑汗，生附子捣帖通泉穴，引纳浮阳。

两服后，血止，左脉渐起，又加龟版、鳖甲，服三帖，神始清，各恙渐息，稍能啜粥。乃去犀、羚，加麦冬、天冬、女贞子、旱莲草投之，眠食日安，半月后，始解黑燥屎。两旬外，便溺之色始正，与滋补药调痊。仍充抚辕巡捕，矍铄如常。秋间赴任绍兴，酉（年）秋，以他疾终。

《王氏医案》

林佩琴

蒋。劳力伤阴，感温，呛咳不寐，鼻衄痰红，下利血沫，脉虚大无数。误用柴葛升散，劫液动风。法以甘酸平润调之。阿胶水化、麦冬、炙草、潞参、茯神、白芍、枣仁、五味、生地、红枣，二服神安血止，即饮糜粥。原方去胶加甜杏仁、山药，再剂而痊。此邪伤血络，用调补得愈者。

潘。伏邪内发，兼旬未解，谵聋肉脱，自利纯血，唇缩舌强，脉沉数。邪陷血分，症已濒危。急用犀角地黄汤加阿胶、元参、山栀、鲜藕、黑豆皮、竹叶心。四剂谵聋渐清，利血止，思糜粥矣。此伏邪治从血分得解者。

《类证治裁》

柿饼炭 30 克 石榴皮 15 克 伏龙肝 90 克，煮汤代水煎药

《施今墨临床经验集》

尿血

中神琴溪

一老人，患溲血。血必先而溲，频年不已。先生作五灵脂汤与之，乃愈。

五灵脂汤方 五灵脂三钱

右一味，水三合，煮取一合。

《生生堂治验》

吴簪

膝榆桥溺血半年。洵其溺孔不痛，而血随溺出。诊脉洪数有力，此由焦心劳力、厚味酒浆过度，以致心火热甚。心与小肠为表里，心热则小肠亦热，故便赤溺血。即投导赤散加赤茯苓、车前子、炒山栀以清心凉血，使热从小水而出，则血自止。盖小肠为丙火，心为丁火，心热泄小肠，釜底抽薪之义也。

《临证医案笔记》

何书田

溺血便浊，缠绵不已，能无腰脊酸痿耶？惟有滋补而已。

大熟地 山萸肉 生杜仲 淮山药 煅牡蛎 炙龟板 牡丹皮 川断肉 白茯苓 炒黄柏

惊劳伤肾，溺血频下，真阴大亏矣。

原生地 肥知母 牡丹皮 柏子霜 福泽泻 炙龟板 炒黄柏 远志肉 白茯苓 琥珀末

固阴以滋水，则溺血可止矣。